

Na osnovu Pilot programa ekonomskog osnaživanja žena u ruralnim područjima za 2025. godinu ("Službene novine Federacije BiH", broj 53/25) Federalno ministarstvo poljoprivrede, vodoprivrede i šumarstva **r a s p i s u j e**

J A V N I P O Z I V
O PODNOŠENJU ZAHTEVA ZA OSTVARIVANJE PRAVA NA GRANT SREDSTAVA
EKONOMSKOG OSNAŽIVANJA ŽENA U RURALNIM PODRUČJIMA ZA 2025. GODINU

I

Predmet Javnog poziva

Predmet Javnog poziva je podnošenje zahtjeva za ostvarivanje prava na grant sredstava ekonomskog osnaživanja žena u ruralnim područjima za 2025. godinu za sljedeće mjere:

- a) Podrška za ulaganja u pokretanje novih poljoprivrednih obrta - pomoć ženama u osnivanju vlastitih poljoprivrednih obrta,
- b) Podrška za ulaganje u postojeće poljoprivredne obrte – pomoć ženama za poboljšanje i proširenje poslovanja postojećeg poljoprivrednog obrta.

Pilot područja na kojima će se provoditi [Pilot program ekonomskog osnaživanja žena u ruralnim područjima za 2025. godinu](#) (u daljem tekstu: Pilot program) u okviru gore navedenih mjera su:

- a) Kanton 10,
- b) Zeničko-dobojski kanton i
- c) Unsko-sanski kanton.

Za dodjelu grant sredstava u okviru ovog Javnog poziva prihvatljive su investicije koje se odnose na primarnu poljoprivrednu proizvodnju i/ili preradu primarnih poljoprivrednih proizvoda na poljoprivrednom gazdinstvu i to:

- a) Kupovina opreme i mehanizacije za prilagođavanje na klimatske promjene,
- b) Kupovina opreme i softvera za digitalizaciju i automatizaciju procesa u poljoprivrednoj proizvodnji i preradi, te unaprijeđenje poslovanja,
- c) Kupovina opreme za diverzifikaciju poslovnih aktivnosti na poljoprivrednom gazdinstvu (prerada, dorada i skladištenje poljoprivrednih proizvoda).

II

Pravo učešća po ovom Javnom pozivu imaju:

- a) Žene vlasnice obrta iz pilot područja koje po prvi put registruju poljoprivredni obrt od 01.01.2025. godine do dana podnošenja zahtjeva i upisane su u Registar poljoprivrednih gazdinstava i Registar klijenata, za troškove ulaganja iz Liste prihvatljivih troškova ([Aneks I](#)), radi uspostave nove poduzetničke aktivnosti,
- b) Žene vlasnice obrta iz pilot područja koje prije podnošenja zahtjeva imaju registrovan poljoprivredni obrt i upisane su u Registar poljoprivrednih gazdinstava i Registar klijenata, za troškove ulaganja iz Liste prihvatljivih troškova – ([Aneks I](#)) radi razvoja i unaprijeđenja postojeće poduzetničke aktivnosti.

III

Finansijska sredstva

Ukupna grant sredstva ekonomskog osnaživanja žena u ruralnim područjima za 2025. godinu za navedena pilot područja iznose **250.000 KM**.

Iznos grant sredstava po korisnici u okviru ovog Pilot programa ne može biti niži od **5.000 KM** niti viši od **10.000 KM** (bez PDV).

Minimalna prihvatljiva vrijednost investicije po zahtjevu, koja je predmet grant sredstava sa uključenim PDV-om je **5.850 KM**.

Grant sredstva dodjeljuju se u visini do 100% iznosa prihvatljivih troškova investicije do maksimalno **10.000 KM** (bez PDV-a).

IV

Podnositeljica zahtjeva mora ispunjavati sljedeće opće kriterije:

- a) prebivalište vlasnice i sjedište obrta nalaze se izvan urbanog naselja sa više od 10.000 stanovnika na pilot području,
- b) obrt mora biti upisan u Registar poljoprivrednih gazdinstava i Registar klijenata prije podnošenja zahtjeva,
- c) izmirila je obaveze ili sklopila sporazum o reprogramu duga za prethodnu godinu kod Porezne uprave Federacije BiH, odnosno Uprave za indirektno oporezivanje BiH (samo obveznice PDV-a), sa izuzetkom obrta osnovanih u tekućoj godini.

V

Za ostvarivanje prava na grant sredstva iz ovog Javnog poziva podnositeljica zahtjeva dostavlja sljedeću dokumentaciju u originalu ili ovjerenoj kopiji:

- a) Popunjen, potpisan i pečatom ovjeren obrazac Zahtjeva za grant sredstva ([Aneks II ZZGS](#)),
- b) profakturu ili fakturu vezanu za prihvatljive troškove ulaganja izdatu od 01.01.2025 do 07.08.2025.
- c) potvrde iz CIPS-a za vlasnicu obrta i sve članove njene porodice koji imaju prijavljeno prebivalište na istoj adresi kao podnositeljica zahtjeva,
- d) obavijest o razvrstavanju poslovnog subjekta - fizičkog lica prema klasifikaciji djelatnosti (samo za preradu poljoprivrednih proizvoda),
- e) dokaz o izmirenim obavezama za prethodnu godinu ili sporazum o reprogramiranju duga kod Porezne uprave Federacije BiH, odnosno Uprave za indirektno oporezivanje BiH (samo registrovane obveznice PDV-a), osim obrta osnovanih u tekućoj godini,
- f) dokaz o uplati federalne upravne takse u iznosu od 20 KM.

VI

Način dodjele granta

Stalno radno tijelo kojeg imenuje federalni ministar poljoprivrede vodoprivrede i šumarstva na osnovu odredbi Pilot programa i ovog Javnog poziva vrši obradu podnesenih zahtjeva i sačinjava rang listu na osnovu kriterija za rangiranje zahtjeva ([Aneks III](#)). Rang lista će se

objaviti na službenoj web stranici Federalnog ministarstva poljoprivrede, vodoprivrede i šumarstva (u daljem tekstu: Federalno ministarstvo) www.fmpvs.gov.ba.

VII

Obaveze korisnice

Korisnici kojoj su uplaćena grant sredstva na transakcijski račun, dužna je u roku od 30 dana dostaviti:

- a) fakturu i fiskalni račun vezane za prihvatljive troškove investicije,
- b) dokaz o izvršenoj uplati preko računa cjelokupnog iznosa po svakoj ispostavljenoj fakturi,
- c) Jedinstvenu carinsku deklaraciju (JCI) koja glasi na podnositeljicu zahtjeva, i dokaz o izmirenim carinskim dažbinama (samo za uvezenu mehanizaciju i opremu),
- d) ovjerenu Izjavu korisnice (IK) – ([Aneks IV](#))

VIII

Podnošenje zahtjeva

Podnošenje zahtjeva za učešće u ovom Javnom pozivu počinje od dana objave na službenoj web stranici Federalnog ministarstva www.fmpvs.gov.ba. Krajnji rok za podnošenje zahtjeva je **08.08.2025.** godine.

IX

Prijave sa potrebnom dokumentacijom podnose se lično na protokol Federalnog ministarstva ili preporučeno putem pošte na adresu:

Federalno ministarstvo poljoprivrede, vodoprivrede i šumarstva

Ul. Hamdije Čemerlića br. 2

71 000 Sarajevo

sa naznakom: “Javni poziv o podnošenju zahtjeva na grant sredstva ekonomskog osnaživanja žena u ruralnim područjima za 2025. godinu“

X

Informacije o Javnom pozivu

Za dodatne informacije zainteresovane stranke se mogu obratiti putem telefona: 033/726-652; 726-622 ili putem e-maila: tatjana.markhot@fmpvs.gov.ba i dubravka.coric@fmpvs.gov.ba

Broj:02-20/18-676-17/25
Sarajevo, 17.07.2025. godine

MINISTAR

Kemal Hrnjić